

Federacija Bosne i Hercegovine
Federalno ministarstvo energije, rudarstva i industrije
Mostar

INFORMACIJA
o aktivnostima u postupku izdavanja Energetske dozvole za izgradnju VE
Mesihovina Javnog preduzeća Elektroprivreda HZ HB d.d. Mostar

Mostar, novembar/2016.

INFORMACIJA

o aktivnostima u postupku izdavanja Energetske dozvole za izgradnju VE Mesihovina Javnog preduzeća Elektroprivreda HZ HB d.d. Mostar

Uvod

Informacija ima za cilj da informiše Vladu i Parlament Federacije Bosne i Hercegovine o aktivnostima koje provodi privredno društvo Javno preduzeće Elektroprivreda HZ HB d.d. Mostar u postupku pribavljanja neophodnih dozvola za realizaciju projekta izgradnje vjetroelektrane Mesihovina (VE Mesihovina), koja se planira graditi na širem lokalitetu Midena – Gornji Brišnik, na području općine Tomislavgrad.

Na području Kantona 10, tačnije na prostoru općina Tomislavgrad, Kupres i Livno, postoji više potencijalnih zona koje zadovoljavaju potrebne energetske zahtjeve za izgradnju vjetroelektrana. Na sjednici Općinskog Vijeća Tomislavgrad, Općina Tomislavgrad je donijela Odluku o uslovima i lokacijama za izgradnju farmi vjetroelektrana, broj: 01-02-3516/07 od 18.12.2007. godine, a u skladu s Prostornim planom u koji je uključen i lokalitet Mesihovine. Instalirana snaga VE Mesihovine je 50,6 MW, sa ukupno 22 vjetroturbine snage 2,3 MW, (22x2,3 MW), odobrene snage priključenja na prenosnu mrežu od 50,6 MW i planirane godišnje proizvodnje električne energije u iznosu od 165,17 GWh.

Realizacijom projekta izgradnje VE Mesihovina iskoristio bi se dio vjetro potencijala na području zapadnog dijela Bosne i Hercegovine, čime bi se stvorila mogućnost povećanja energetske bilansa u Federaciji BiH za planiranu godišnju proizvodnju električne energije u iznosu od 165,17 GWh. Na ovaj način bi se proširili proizvodni elektroenergetski kapaciteti u Bosni i Hercegovini za novih 50,6 MW instalirane snage, a time bi se doprinjelo i diversifikaciji izvora električne energije. Implementacijom ovog projekta povećao bi se udio proizvodnje električne energije iz obnovljivih izvora energije, a samim tim i performansi elektroenergetskog sistema Federacije Bosne i Hercegovine/Bosne i Hercegovine.

Svaka investicija je pokretačka snaga razvoja i poboljšanja ekonomskih prilika lokalne zajednice na čijem prostoru se implementira investicija. Projekt izgradnje VE Mesihovina je kapitalno značajan projekt čijom bi se realizacijom doprinjelo poboljšanju ekonomskog stanja u zapadnom dijelu Bosne i Hercegovine, a naročito na području općine Tomislavgrad na čijem prostoru se planira graditi VE Mesihovina.

Projekat izgradnje VE Mesihovina, na lokalitetu općine Tomislavgrad, bi imao ogroman zanačaj za područje općine Tomislavgrad i šire društvene zajednice. Realizacijom projekta došlo bi do značajnog ekonomskog napretka cijelog regiona što bi osiguralo preduslov za ekonomski razvoj lokalne zajednice. Od sredstava koja bi se prikupljala po osnovu ugovorene godišnje koncesione naknade i poreza na dobit u budžet Federacije BiH, raspodjelom prikupljenih sredstava od naknada i taksi, poboljšala bi se finansijska situacija budžeta lokalne zajednice.

Informacija sadrži:

- A.** Hronologija aktivnosti u realizaciji projekta izgradnje VE Mesihovina.
- B.** Status projekta izgradnje VE Mesihovina.
- C.** Prijedlog zaključka.

A. Hronologija aktivnosti u realizaciji projekta izgradnje VE Mesihovina.

Implementacija Projekta pripreme i izgradnje vjetroelektrane Mesihovina, privredno društvo, Javno preduzeće Elektroprivreda HZ HB d.d. Mostar je pokrenuo aktivnosti u postupku pribavljanja potrebne dokumentacije, dozvola, saglasnosti i drugih upravnih akata od drugih nadležnih tijela i institucija.

U skladu s važećom prostorno-planskom dokumentacijom općine Tomislavgrad, Kantona 10 i Zakona o prostornom planiranju i korištenju zemljišta u Federaciji Bosne i Hercegovine, definisan je prostor za izgradnju VE Mesihovina u okviru šireg obuhvata u općini Tomislavgrad.

Pravni okvir za realizaciju ovog projekta čine dva dokumenta i to: Ugovor o koncesiji, broj: 05-01-17-485/08 od 26.08.2009. godine, sklopljen između Ministarstva gospodarstva Hercegbosanske županije i investitora Javnog preduzeća Elektroprivreda HZ HB d.d. Mostar i Ugovora o međusobnoj saradnji, broj: 02-23-1361/09 od 03.09.2009. godine, sklopljen između Javnog preduzeća Elektroprivreda HZ HB d.d. Mostar i općine Tomislavgrad.

Tokom aktivnosti koje je investitor do sada proveo, Javno preduzeće Elektroprivreda HZ HB d.d. Mostar je pribavilo neophodnu dokumentaciju koja je potrebna za izgradnju složenih elektroenergetskih objekata.

Hronološkim slijedom pribavljeni su sljedeći dokumenti:

- Odluka Vlade Federacije Bosne i Hercegovine o proglašenju javnog interesa i pristupanju pripremi i izgradnji prioritetnih elektroenergetskih objekata u Federaciji Bosne i Hercegovine, V.broj: 98/10 od 15.02.2010. godine,
- Ugovor o koncesiji, broj: 05-01-17-485/08 od 26.08.2009. godine sklopljen između Ministarstva gospodarstva Hercegbosanske županije i investitora Javno preduzeće Elektroprivreda HZ HB d.d. Mostar,
- Ugovor o međusobnoj saradnji, broj: 02-23-1361/09 od 03.09.2009. godine, sklopljen između općine Tomislavgrad i Javnog preduzeća Elektroprivreda HZ HB d.d. Mostar,
- Saglasnost HT d.o.o. Mostar, broj: 05-0127/10 od 22.03.2010. godine,
- Mišljenje Federalnog ministarstva kulture i sporta-Zavod za zaštitu spomenika, broj: UPI/03-23-2-95/10, od 19.07.2010. godine,
- Saglasnost Ministarstva odbrane BiH, broj: 11-03-28-176-23-17/10 od 05.04.2010. godine,
- Saglasnost JP Direkcije cesta Federacije BiH od dana 06.04.2010. godine, iz kojeg je vidljivo pozitivno mišljenje ove Institucije,
- Rješenje kojim se daje poljoprivredna saglasnost za promjenu namjene poljoprivrednog zemljišta, broj: 03-24-688/10 od 01.10.2010. godine, izdato od Službe za gospodarstvo, inspekciju i zajedničke poslove općine Tomislavgrad,
- Rješenje o upisu u Registar projekata obnovljivih izvora energije i kogeneracije u fazi izgradnje, Registarski broj II-B-2/11, od 27.09.2011. godine, izdato od Federalnog ministarstva energije, rudarstva i industrije,
- Načelna saglasnost za priključenje VE Mesihovina na prenosnu mrežu BiH, broj: 03-13301/15 od 24.12.2015. kod Elektroprenos BiH a.d. Banja Luka.
- Idejni projekt VE Mesihovina, Građevinski fakultet Sveučilišta u Mostaru, 2010. godina,
- Studija izvodljivosti "Analysis for the Use of Wind Power for Electricity Generation in Bosnia and Herzegovina", NIP S.A. Madrid, Španjolska, 2006. godina,

- Studija utjecaja na okoliš VE Mesihovina, Exergia Energy and Environment Consultant, Grčka, Institut za hidrotehniku, Sarajevo, 2010. godina,
- Studija ornitološka istraživanja za VE Mesihovina, Oicon d.o.o. Zagreb, 2013. godina.

Aktivnosti koje su u toku:

- potpis Ugovora za Lot 1a (Ugovor o isporuci, montaži i izgradnji 22 vjetroturbine uključujući sistem upravljanja) i Lot 1b (TS 20/110 kV s priključkom na EES, interna kabalska mreža),
- početak radova,
- definisana je referentna vjetroturbina, jedinične snage 2,3 MW u skladu sa konzorcijem Siemens.

Aktivnosti koje se planiraju provesti u budućnosti:

- dodjela Ugovora za Lot 2 – juni 2016. godine,
- realizacija ugovora – juni 2017. godine,

B. Status projekta izgradnje VE Mesihovina

U postupku pribavljanja odobrenja za građenje, građevinske dozvole, za izgradnju novih i rekonstrukciju postojećih elektroenergetskih objekata investitori trebaju ishoditi Energetsku dozvolu. "Energetska dozvola" je upravni akt koji izdaje Federalno ministarstvo energije, rudarstva i industrije investitoru u postupku dobivanja potrebnih dozvola za izgradnju proizvodnog elektroenergetskog objekta.

Po odredbama člana 78. st. (3) i (6) Zakona o električnoj energiji u Federaciji Bosne i Hercegovine („Službene novine Federacije BiH“, br. 66/13 i 94/15) i člana 23. stav (2) Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja ("Službene novine Federacije BiH", broj 27/14) propisano je da za izgradnju novih i rekonstrukciju postojećih proizvodnih elektroenergetskih objekata koji su iz nadležnosti Federacije BiH i čija je instalisana snaga jednaka ili viša od 30 MW, Energetsku dozvolu izdaje Federalno ministarstvo energije, rudarstva i industrije uz prethodno pribavljenu saglasnost Vlade Federacije BiH i Parlamenta Federacije BiH.

Privredno društvo Javno preduzeće Elektroprivreda HZ HB d.d. Mostar podnijelo je zahtjev za izdavanje Energetske dozvole za izgradnju novog proizvodnog objekta VE Mesihovina, instalisane nazivne snage 50,6 MW i planirane godišnje proizvodnje električne energije od 165,17 GWh.

U okviru obaveze, da se pribave potrebna upravna akta, dozvole, ovlaštenja i druga akta za korištenje prava, Javno preduzeće Elektroprivreda HZ HB d.d. Mostar je pribavio Rješenje o izdavanju Načelnog odobrenja za građenje za izgradnju VE Mesihovina.

Privredno društvo je postupilo u skladu sa članom 16. Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja, dostavio svu traženu dokumentaciju, u originalu ili ovjerenoj kopiji koja nije starija od 60 dana.

Uvidom u istu utvrđeno je da je:

- Ugovor o koncesiji, broj: 05-01-17-485/08 od 26.08.2009. godine sklopljen između Ministarstva gospodarstva Hercegbosanske županije i investitora Javnog preduzeća Elektroprivreda HZ HB d.d. Mostar,
- Okolinska dozvola, broj: UPI 5/2- 23-11-140/14 SS od 27.11.2014. godine., izdata od Federalnog ministarstva okoliša i turizma,
- Prethodna vodna saglasnost, broj: UP/40-1/25-2-111/12 od 11.10.2012. godine, izdata od Agencije za vodno područje Jadranskog mora Mostar,
- Urbanistička saglasnost, broj: UPI/03-23-2-95/10 od 07.03.2011. godine, izdata od Federalnog ministarstva prostornog uređenja,
- Rješenje o produženju Urbanističke saglasnosti, broj: UPI/03-23-2-95-1/10 od 12.04.2012. godine, izdato od Federalnog ministarstva prostornog uređenja,
- Ugovor o međusobnoj saradnji, broj: 02-23-1361/09 od 03.09.2009. godine, sklopljen između općine Tomislavgrad i Javnog preduzeća Elektroprivreda HZ HB d.d. Mostar,
- Rješenje o upisu u Registar projekata obnovljivih izvora energije i kogeneracije u fazi izgradnje kod Federalnog ministarstva energije, rudarstva i industrije br. 05-17-2315/11 od 27.09.2011. god. (Registarski broj II-B-2/11 od 27.09.2011. godine,
- Načelno odobrenje za građenje, broj: UPI/03-23-2-285/12 SK od 11.01.2013. godine, izdato od Federalnog ministarstva prostornog uređenja,
- Vodna saglasnost, broj: UP/40-1/25-3-215/13 od 27.01.2014. godine, izdata od Agencije za vodno područje Jadranskog mora Mostar,
- Certifikat priključenja proizvodnog elektroenergetskog objekta, Cert.br. 31-2016 od 28.09.2016. godine izdat od strane NOS BiH,
- Uslov za priključak korisnika na prenosnu mrežu br. 27/16, broj: 03-10393/16 od 05.10.2016. godine, izdat od Elektroprenosa BiH,
- Izjava o prihvatanju uslova za priključak Korisnika na prijenosnu mrežu, potpisana od strane Korisnika od 11.10.2016. godine,
- Posjedovne listove i zemljišnoknjižne izvratke iz kojih je vidljivo da je JP EP HZHB d.d. Mostar provela postupak izvlaštenja zemljišta za VE Mesihovina.

Takođe treba navesti da je projekat izgradnje vjetroelektrane Mesihovina, planiran i uvršten u Strateški plan i program razvoja energetskeg sektora Federacije BiH. Federalno ministarstvo energije, rudarstva i industrije do sada je zaprimilo 12 (dvanaest) zahtjeva za izdavanje Energetske dozvole za izgradnju vjetroelektrana na području Federacije BiH, što u instalisanj snazi iznosi 641 MW.

Elektroprenos a.d. Banja Luka i NOS-a BiH su odobrili pristup na prenosnu mrežu ukupno instalisane nazivne snage do 230 MW.

Vlada Federacije BiH, Zaključcima V. broj: 1063/2014 od 05.06.2014. godine, je odobrila Federalnom ministarstvu energije, rudarstva i industrije da dâ prethodnu saglasnost za priključak na prijenosnu mrežu novih vjetroelektrana ukupno instalisane snage do 103 MW, od čega je 55 MW instalisane snage investitoru JP Elektroprivreda HZ HB d.d. Mostar za vjetroelektranu Mesihovina.

Za preostalu raspoloživu instalisanu snagu do 127 MW, prethodna saglasnost za priključak na prenosnu mrežu za vjetroelektrane, dodjeliti će se po redosljedu onim investitorima koji prvi dostave Ministarstvu dokaze o ispunjenju svih uslova iz zaključaka Vlade Federacije BiH. Potrebni dokazi za dobivanje prethodne saglasnosti za priključak na prenosnu mrežu su: Energetska dozvola, bankovna garancija kojom

će se dokazati da su osigurana sredstva za finansiranje projekta i potpisan predugovor o isporuci vjetroturbina za projekat.

C. Prijedlog zaključka

Postupajući po odredbama člana 78. st. (3) i (6) Zakona o električnoj energiji u Federaciji BiH ("Službene novine Federacije BiH", br. 66/13 i 94/15) i člana 23. stav (2) Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja ("Službene novine Federacije BiH", broj 27/14), Federalno ministarstvo energije, rudarstva i industrije, da bi pripremilo nacrt Energetske dozvole i provelo javnu raspravu, treba da pribavi prethodnu saglasnost za izgradnju VE Mesihovina od Vlade Federacije BiH i Parlamenta Federacije BiH.

Imajući u vidu sve navedeno Federalno ministarstvo energije, rudarstva i industrije predlaže Vladi Federacije BiH da usvoji Informaciju o aktivnostima u postupku izdavanja Energetske dozvole za izgradnju VE Mesihovina, privrednog društva Javno preduzeće Elektroprivreda HZ HB d.d. Mostar sa Prijedlogom zaključka, kao i da Informaciju o aktivnostima u postupku izdavanja Energetske dozvole za izgradnju VE Mesihovina sa Prijedlogom zaključka uputi Parlamentu Federacije Bosne i Hercegovine radi pribavljanja prethodne saglasnost za izgradnju VE Mesihovina.

Na osnovu člana 78. st. (3) i (6) Zakona o električnoj energiji u Federaciji Bosne i Hercegovine ("Službene novine Federacije BiH", br. 66/13 i 94/15), člana 23. stav (2) Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja ("Službene novine Federacije BiH", broj 27/14), uz pribavljenu saglasnost Vlade Federacije Bosne i Hercegovine V. broj: 2092/2016 od 01.12.2016. godine, Parlament Federacije Bosne i Hercegovine na sjednici Predstavničkog doma Federacije BiH od _____ i na sjednici Doma naroda Parlamenta Federacije od _____ donosi

ZAKLJUČAK

o davanju prethodne saglasnosti u postupku izdavanja Energetske dozvole privrednom društvu Javno preduzeće Elektroprivreda HZ HB d.d. Mostar

I

Parlament Federacije Bosne i Hercegovine daje prethodnu saglasnost Federalnom ministarstvu energije, rudarstva i industrije u postupku izdavanja Energetske dozvole, privrednom društvu Javno preduzeće Elektroprivreda HZ HB d.d. Mostar, za izgradnju vjetroelektrane VE Mesihovina, instalisane nazivne snage 50,6 MW (22x2,3MW), odobrene snage priključenja 50,6 MW (22x2,3 MW), planirane godišnje proizvodnje električne energije od 165,15 GWh, koja se planira graditi na širem lokalitetu zaravni Mideni – Gornji Brišnik, na području općine Tomislavgrad.

II

Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i člana 24. Uredbe o postupku, kriterijima, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja („Službene novine Federacije BiH“, broj 27/14), na izdavanju Energetske dozvole iz tačke I ovog zaključka.

III

Ovaj zaključak stupa na snagu narednog dana od dana objavljivanja u „Službenim novinama Federacije BiH“.

PFBiH, broj _____

Sarajevo,

PREDSJEDAVAJUĆA

DOMA NARODA

PARLAMENTA FEDERACIJE BiH

Lidija Bradara

PREDSJEDAVAJUĆI

PREDSTAVNIČKOG DOMA

PARLAMENTA FEDERACIJE BiH

Edin Mušić